

pore dimidio longiores, articulis 3-12 ferrugineis, albidopubescentibus, apice crassioribus atro-holosericis. Thorax sub-transversus, lateribus pone medium modice rotundatus, niger, supra subtilissime ruguloso-punctatus, vittis tribus angustioribus e pube densa flavescente. Elytra thorace sextuplo longiora, apice singulatim rotundata, supra nigra sub-nitida, confertim ruguloso-punctata, fasciculis sparsis e pilis brevibus flavis vel luteis, versus latera & apicem magis condensatis, variegata. Corpus & pedes ut in prioribus.

VAR. β . Elytris parce cinereo-fasciculosis, antennarum articulis inferne angustius sub-ferrugineis.

Habitat in Tauria. Dom. Steven. Mus. Schönherr.

Differt ab α , solummodo quoad paullo minor, fasciculi pilorum in elytris pauciores, cinerei, & annuli pallidi antennarum angustiores, ut in diagnosi dictum.

GYLLENH.

264) SAPERDA ANGSTICOLLIS: longior, nigra, thorace sub-cylindrico, flavescenti-tri-vittato, elytris flavescenti-fasciculosis variegatis, apice singulatim rotundatis, antennis nigris albidofasciatis.

Habitat in Europa, cum *S. Cardui* confusa.

Simillima *S. Cardui*, sed minor, thorax angustior, sub-cylindricus, antennæ totæ nigræ, pube albida fasciatæ, unde distincta videtur. Caput ut in prioribus. Antennæ corpore longiores, nigræ, articulis 3-12 annulo baseos e pube subtilissima albida cinctis. Thorax latitudine paullo longior, basi apiceque truncatus, lateribus vix ac ne vix dilatatus, modo intra basin & apicem obsolete constrictus, supra modice convexus, niger, sub-nitidus, confertim subtiliter ruguloso-punctatus, vittis tribus angustioribus e pilis depressis flavescens, una dorsali & una utrinque laterali. Scutellum transversum, dense flavescens-pubescentibus. Elytra nigra sub-nitida, quoad formam & puncturam omnino ut in *S. Cardui*, etiam fasciculis e pilis flavoferrugineis variegata. Corpus & pedes ut in prioribus.

GYLLENH.

265) SAPERDA MACULICORNIS: brevior, nigra, thorace longiore sub-cylindrico, subtilissime punctulato, flavo-tri-vittato, elytris depressis nigris opacis, æqualiter cinereo-pubescentibus, antennis albidofasciatis.

S. maculicornis Creutzer, sec. Schneid.

Habitat in Germania. Mus. Gyllenhal.

Præcedentibus longe minor, *S. Ehippippo* Fabr. æqualis, & statura depressa elytrorum similis. Caput magnum nigrum, confertim subtilissime punctulatum, fronte lineaque verticis flavescens-pilosus. Antennæ corpore paullo longiores, setaceæ, nigræ, articulo tertio annulo baseos parvo, angusto, sequentibus annulo latiore albidopubescente cinctis. Thorax latitudine paullo longior, basi apiceque truncatus, & nonnihil constrictus, lateribus vix rotundatus, supra convexus, sub-cylindricus, niger sub-nitidus, confertissime subtiliter punctulatus, vitta media dorsali, aliaque utrinque laterali e pilis depressis flavo-testaceis. Scutellum sub-transversum, pube densa flava tectum. Elytra thorace multo latiora, humeris rectangulis, illoque vix quintuplo longiora, apice singulatim rotundata, supra fere plana, tota ferreo-nigra, sub-opaca, confertim & fere undique æqualiter ruguloso-punctata, pilis parvis griseis declinatis adspersa. Corpus subtus nigrum, subtilissime coriaceo-strigulosum, cinereo-pubescentibus. Pedes mediocres nigri, cinereo-pubescentes.

GYLLENH.

266) SAPERDA CYANELLA: lineari-cylindrica, capite thoraceque obscure cyaneis subtilissime punctatis, elytris cærulescentibus profundius punctatis.

Habitat — — — a Dom. Schneider missa. Mus. Schönherr.

Minuta, longitudine *S. præusta* sed multo angustior, valde convexus. Antennæ corpore paullo longiores, nigricantes sub-pilosæ. Caput thorace fere latius, fronte convexiuscula; obscure-cyaneum, subtiliter punctulatum, pube brevi albida sparsa. Thorax cylindricus colore capitis, crebre sed subtilissime punctatus. Scutellum transversum albo-pubescentibus. Elytra thorace paullo latiora illoque triplo longiora, linearia, tenuiter marginata, dorso convexus, tota cærulescentia conferte & profunde punctata, ut certo situ subiugosa apparent, pube parciore albida conspersa; apex singuli elytri depressus, sub-acuminatus. Corpus subtus obscure-cyaneum, pedibus nigricantibus tenuiter albo-sericis.

DALM.

267) SAPERDA AZUREA: thorace brevi, cyanea, fusco-pubescentibus, femoribus omnibus tibiisque anticis rufis.